



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa

16 Setembru 2013

JSMP organzia treinamentu kona-ba justisa ba ema hotu iha Suco Costa Distritu Oe – Cusse

Iha 14 Fulan Setembru 2013, *Judicial System Monitoring Programme* (JSMP) liu husi Unidade LRU no Relasaun Públiku fasilita treinamentu ba Suco Costa, Distritu Oe- Cusse, ho objetivu ida atu hasa'e koñesimentu comunidade tomak kona-ba justisa formál.

Partisipante husi treinamentu ne'e kompostu husi, estrutura Suco sira inklui Xefe Aldeia, Lia nain, representante Feto Rua, no representante joventude feto no mane. Partisipante sira hamutuk nain 30, ne'ebé konsiste husi mane na'in 19 no feto na'in 11.

Matéria treinamentu ne'ebé apresenta kona-ba promove justisa ba ema hotu, husi perspectiva direitus umanus, lei formál ne'ebé vigora iha Timor Leste, tipu sira husi kazu krime tuir lei aplikavel no oinsa atu asesu ba justisa formal wainhira sai nu'udar akuzadu ka sai nu'udar vítima husi krime ruma.

“Treinamentu ne'e importante atu hametin liutan koñesimentu autóridade lokál sira iha baze hamutuk ho elementu xave sira seluk hanesan joventude kona-ba prosesu legál ba kazu violénsia bázeia ba jéneru tuir sistema justisa formal iha Timór Léste no oinsa atu involve sira iha prosesu hametin justisa ba ema hotu,”dehan Diretór JSMP Luis de Oliveria Sampaio.

Xefe Suco Costa Sr. Aleixo Abi, iha ninia abertura nomós enseramentu hateten katak nia apresia ho atividade treinamentu ne'e. Aliende ne'e nia mós agradese ba JSMP tanba bele maneja an to'o iha sira nia fatin hodi fahe mós informasaun legál ba sira nia comunidade. Iha tempu hanesan nia husu ba JSMP atu kontinua organiza treinamentu ba suco no aldeia sira seluk tanba comunidade barak mak seidauk kompriende didiak oinsa atu asesu ba iha justisa formál.

Durante sesaun treinamentu, JSMP observa katak partisipante hatudu sira interese hodi partisipa ativu tebes atraves husi husu perguntas no aprezengta sira nia esperensia real lor-loron nian. partisipantes sira hateten katak treinamentu hanesan ne'e primeíra vez sira simu. Tanba ne'e sira manifesta laran kontente no apresisaun ba JSMP atraves husi treinamentu no divulgasaun informasaun legál importante hirak ne'e.

Atividade treinamentu ne'e realiza tanbá hetan suporta husi UNDEF no Embaixada Finlandia.

Atu hetan informasaun liu tan bele kontaktu direktamente ba:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Facebook: www.facebook.com/timorleste.jsmp

Twitter: @JSMPtl